



ATASSUT

UPA2015/109-1

Siverth K. Heilmann

29.04.2015.

Akilerartarnermut Oqartussaasut ataanni immikkoortorta qarfimmik immikkut suliaqartussamik, aningaasaqarnikkut pinerluuteqartarnerup, ilaatigut ikiaroonartunik niuerniarnermut attuumassuteqartup, paasineqarnissaanik siunertaqartussamik pilersitseqqullugit Naalakkersuisut peqquneqarnissaannik siunnersuut, tamanna pissaaq akileraarusersuinermi annertunerusumik suliniuteqarneq aqqutigalugu, tamatumunnga ilanngullugit nalunaarsuiffiit atortorissaarutillu pioreersut ataatsimoortinnerat, tassuunakkut isertitat pigisallu nalillit inatsisinik unioqqutitsilluni pissarsiaasimasut paasineqarsinnaaqullugit.

(Inatsisartunut ilaasortaq Agathe Fontain, Inuit Ataqatigiit)

Inatsisartuni ilaasortaq Agathe Fontain-ip, Inuit Ataqatigiit aalajangiiffigisassatut siunnersuutaanut imaattumik ATASSUT-miit oqaaseqassaagut:

Siunnersuuteqartup qulequtaq pingaarutilerujussuaq, aningaasaqarnikkut pinerluuteqartarnerup aammalu ikiaroonartoq aqqutigalugu unioqqutitsilluni niuerniarnermut akiuiniarnermut tunngasorujussuaq saqqummiunneqarpoq.

Siunnersuuteqartumiit tunngavilersuutigineqartut ilagaat, § 37 aqqutigalugu apeqquteqartoqartarneragut Naalakkersuisuniit akissutigineqarsimasut, ikiaroonartunik nioqquteqarneq akiorniarlugu suliniuteqarneq sallerpaatillugu politiit suliniuteqartut kiisalu politiit Akilerartarnermullu Aqutsisoqarfiup suleqatigiinnerat ingerlalluortoq.

ATASSUT-miit isumaqataalluinnarpugut, inatsisiliortutut ilisimasat, sakkut, pigeriikkalluunniit sunniuteqarnerunissaat anguniarlugu politiit Akilerartarnermut Aqutsisoqarfiulluunniit pisariaqartitaannut aningaasaliinissamullu aqqutissiuussinissarput.



ATASSUT INATSIARTUNI

Naalackersuisut akissuteqarnerisigut ATASSUT-miit maluginiarparput, Akileraartarnermut Oqartussat ataanni, immikkoortorta qarfirmik pilersitsiniarneq pioreersut periarfissiissutaasa iluanni pisinnaareermat aporfiillu anginersaat tassaniinngimmat inassutiginarinneqanngitsoq siunnersuutip tapersersorneqarnissaa.

ATASSUT-miit oqaatigissavarput, qularutiginnngilluinnaratsigu aningaasaqarnikkut pinerluuteqartarnerup ikiaroonartumillu unioqqutitsilluni nunatsinnut eqqussuisoqarnera akiorniarlugu suleqatigiinneq pitsaasuusoq. Taamaakkaluartorli piviusuuvoq, ikiarootartumik eqqussuineq atuinerlu Nunatsinni innuttaasut akornanni allaat inuusussiartuinnartuni atuartunilu ajornartorsiutaaleraluttuinnarnera.

Inatsisinik sukaterisoqaraluartillugu akiuiniarnermilu atortorissaarutit annertusarneqartaraluartut tupinnaannartumik unioqqutitsilluni eqqussuineq pikkoriffigineqarpoq, taamaattumillu siunnersuuteqartup ajornartorsiutip annikillisinneqannginnissaanik siunertaqarnera ATASSUT-miit paasilluarparput iliuuserineqarsinnaasunullu tamanut suleqataarusulluta.

ATASSUT-miit ilisimavarput Akileraarnermi Aqutsisoqarfiup, ikiaroonartut aqutugalugit allatullu anngiortumik aningaasarsiorniarluni pinerluunnerit suliassarinagit tamanna politiit suliassarigaat. Pisinnaasaq tamaat ikiaroonartumik unioqqutitsinerit akiuiniarnerit suliniutigineqaraluartut, ilisimavara politikkerit ilaatigut akuusarsinnaanerat pasilliutigineqartartoq.

Siorna Ineqarnermut Naalackersuisuutillunga naalackersuisoqarfinnut apuunneqarujooq, aningaasivik hash-imik imalik, aningaasat, bankbog-illu partiip pigisai, Naalackersuisuusimasullu aqqanik allassimasup iniginikuusaanni kælder-imi eqqiaasuniik nassaarineqarsimalluni.

Akuliukkusunnanga Naalackersuisutut atorfilittannut piumasaqarsimavunga, aningaasivik hash-imillu imalik politiitut tunniunneqassasoq. Unneqqarissumik oqaaseqarfigisinnaavara, ilisimanngilluinnarpara taamatut saqqummiussinera qanorluunniit kinguneqarsinnaanersoq, taamaattorli politiitut sulinikuullunga massakkullu inatsisiliortutut inissisimallunga nalunneqatigiissutigita naapertorlugu nipangersimaannarsinnaanngilanga ilisimasaralu anittariaqarpara.



ATASSUT INATSISARTUNI

Taamatut oqaaseqarluta ATASSUT-miit kissaatigissavarput, suliassap aappassaaneerreqannginnermini ataatsimiititaliami peqqissaarullugu suliarineqassasoq.